

Ugovorne strane:

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, koje zastupa ministar Admir Katica, (u daljem tekstu: Ugovorni organ)

INSPEKT RGH d.o.o. Sarajevo, ulica Hamdije Kreševljakovića 18/1, ID broj 4200115990008, kojeg zastupa, direktor Robert Polšak (u daljem tekstu: Dobavljač)

zaključili su:

## OKVIRNI SPORAZUM za nabavku usluga kontrole emisije štetnih gasova (LOT 1)

Strane u okvirnom sporazumu saglasno konstatuju :

- da je Kupac u skladu sa Zakonom o javnim nabavkama ("Službeni glasnik BiH" br. 39/14 i 59/22) proveo otvoreni postupak za nabavku usluga, i to: LOT 1 - kontrole emisije štetnih gasova, LOT 2 - servisiranja agregata i LOT 3 - servisiranja kotlova za potrebe Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponuđačem na period od 36 (trideset šest) mjeseci za svaki LOT;
- Nabavka je provedena no osnovu Odluke o pokretanju postupka broj 01-11-4-2583 od 19.05.2023. godine i Obavještenja o nabavci broj 1364-1-2-52-3-59/23 od 28.07.2023. godine.
- Okvirni sporazum ne predstavlja obavezu Dobavljača na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog Okvirnog sporazuma
- Sastavni dio ugovora je Ponuda Dobavljača broj IN-1-1713/23 od 19.10.2023. godine kao i Izvještaj o toku i završetku e-aukcije od 25.10.2023. godine.

### Član 1.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga kontrole emisije štetnih gasova (LOT 1), a u skladu sa uslovima iz tenderske dokumentacije, ponudom Dobavljača, odredbama ovog Okvirnog sporazuma i stvarnim potrebama Ugovornog organa.

Količine navedene u specifikaciji su okvirne i važe za vrijeme važenja okvirnog sporazuma.

### Član 2.

Ukupna vrijednost ovog Okvirnog sporazuma za LOT 1 iznosi 11.976,00 KM bez PDV-a (jedanaest hiljadadevetstotinasedamdeset šest i 00/100 KM).

Cijene su fiksne i ne mogu se mijenjati za vrijeme važenja ovog Okvirnog sporazuma.

### Član 3.

Nakon zaključenja okvirnog sporazuma, Ugovorni organ će zaključivati pojedinačne ugovore o javnim nabavkama. Pri zaključivanju pojedinačnih ugovora, ne mogu se mijenjati bitni uslovi iz ovog Okvirnog sporazuma.

### Član 4.

Ugovorni organ će ugovorenu cijenu, plaćati u roku od 30 (trideset) dana po dostavljanju fakture.

### Član 5.

Dobavljač je dužan da izvrši uslugu u roku koji je definisan tačkom 11. Tenderske dokumentacije, odnosno za LOT 1, rok izvršenja terenskih mjerenja je sedam dana od momenta narudžbe (zahtjeva Kupca).

#### Član 6.

Dobavljač se obavezuje da ugovorenu uslugu izvrši u svemu prema tehničkoj dokumentaciji, propisima, standardima i normama kvaliteta, zakonskim i pozakonskim aktima koji važe za vrstu usluga koje su predmet nabavke.

#### Član 7.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

#### Član 8.

Ovaj okvirni sporazum, se zaključuje na period od 36 (trideset šest) mjeseci, a stupa na snagu danom obostranog potpisivanja.

#### Član 9.

Sva eventualno sporna pitanja rješavat će se dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

#### Član 10.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ  
INSPEKT RGH d.o.o. Sarajevo

direktor, Robert Polšak

Broj: 171-1-2223/23

Datum: 18.12.2023.

